


Lai Siangtho Koici Simding



SABBATH NITAAK

Tu Kaalsung Simding: *John 15:1–8; Mark 1:35; 1Khang. 16:11; Late 119:105; Isa. 50:4; Isa 55:1–13.*

Kamngah: “Ka kam panin a pusuak ka kammal zong tua bang ahi ding hi. Kei kiangah a hawmpi in hong kilehkik lo ding a, Ka gel na tangtung sakin, Ka sawl thu semkhia ding hi” (*Isaiah 55:11, ZSV*).

Lai Siangtho bu na ngahcillai ngaihsun kikin. Na neulai a Khristian meltheih khatpeuh; na khangham ciang a na leitawm peuh hikha ding hi. Lai Siangthobu naneihna bangtan a sawta, bu zangzah keek nanei zongin; tua laibu na manphat sakna lungngai zaw in. Manpha nasak pen mah leh Pasion’ kammalte khawng neikha cihzah in naki ngaihsun hiam? Tua laibu simden ning naci hiam? *Hihthu nangaihsun ngei hiam: Koipan in kipan sim ding? Pasion tawh kinaih theihna dingin koibang in sim ding maw?*

Martin Luther in zong, “Kum tamveipi sung mah kumkhat in nihveita kasim hiven. Lai Siangtho bu pen, singkung golpi khat hi henla; a kammal khempeuh pen a hiang te vive hi zenleh: tuate sungah a omte thei nuam in a vekpi in teep mang khin zo ding hi ing” cih.

Nisim Lai Siangtho simna ah thupi takin simcha nahi a, na Lai Siangtho bu zong laibu’tau tungah omcip hileh, Pasion tawh Lai Siangtho simkhawpna tawh khangto zaw sem thei ding hihang. Tu kaalsung tengin Pasion’ Thu hoihtak in simtheihna ding lampi zong ding hihang.

*May 2, Sabbath ading kiginkholhna in tukaal lesson sim in.

Hun

Nidang in nathawh ngeihun sangin a palvang zawdeuh in nanai alarm koih in na Lai Siangtho na simngei hiam? Lupna tungpan nai na etphei kawm in diangkhaia vat in, tu ni kahun kipatna'ng minute 15 bek neilai ing ngei. Nawhtat kul in cei! Naci ngei hiam? Thunget tom, nangma lungnop theihna ding Lai Siangtho tomno khat simpak cihbang in Nikhat a ding Nikhat sung a ding khawng lungkim huai sazolo khawng in na omkha ngei hiam?

“Lai Siangtho nawhsim mahmah cih khawng hamphatna bangmah hong tun zolo hi. Lai Siangtho buppi simzo phial taleh, athukna ah a kiseel khinkhian deihna te muzolo ding uhhi”—Ellen G. White, *Steps to Christ*, p. 90.

Meiphelh mawtaw tuimuk panin tui hong luankhia bangin; Lai Siangtho simna pan in thupha hong luangkhaia zuahzuah hi a – simnawh mahmah lengzong a thupha tampi tai suah pahpah hihang. Pasion in Amah i theih semsem na dingin (*eileh eimah zong hong ki theitel sak*) hong piak ahi hi. Genzawhloh Pasion' hoihna leh khang tawntung in mihingte tawh a kikhawlhna te i muh ciangun, Amah i itna hong khangsak hi. A kikhawlhna uh ciamtehna teng eima khut sungah omgige khinzo ahih manin eite'n zong hunla in, Amah i theihna dingin Ama' Thu sim ni (*Sawl 17: 11*). Anuai-a ngaihdaan teng ngaihsun sinin:

Na Lungtang sungah Pasion na deihna ding Thungen in: Jeremiah 29:13 le Late 37:4 sunga kamciam teng suutpha pha in. Nidang sangin hong phongbaih zaw ding a hihkeileh hun awng hong piakna dingin cial in.

Na hun Pasion pumpiak in. Manlah mahteh, na nasep ding tampi ommah ahih hang, Pasion tawh hunzat in manphalua hi. Mun simtham ah pai inla Late 46:10 simin. Phatna La “Na khempeuh paai a” cihpen sa or alamal simin. Na nundan sungah Pasion na aap zawhloh teng zong aap lel in.

Pasion tawh kikhawlh ding hi na kisak melloh laitak in zong Amah tawh hun zangin. Tuabang hihtheihna dingin (annek tuidawn) lungdeih teelna le gamtatna tawh Pasion tawh kikhawlhna ahi hi. Zongsatna thak peuhmah pen a om theihna dingin ni 21 sawt kici a; Kha Siangtho lo tawh zawhkik ding baih hetlo dingcih thei in.

John 15:1–8 simkik in. Zeisu in Ama sungah omna koibang hong hilh a, nangma upna a dingin banghang in thupi thei ding hiam?

Mun Khat

Zeisu in nakhempeuh sungah etteh pipen hi a, mimal vai ah zong ki lamdang tuanlo hi. Zeisu in Pasion tawh a hunzatna Mark 1:35 in bang gen hiam?

Hihmun pen taangkhat linlian bek ahiah hang Zeisu etteh theihna ding ahi hi. Ni suah mapek in, nisim nasep buaina tepan in Amah kihemkhia in gamdaihna munah pai in A Pa tawh kimu uhhi. Zeisu in Ama' kimkot a leitung mite thawhma in, Galilee bualtui gei mualpang ah tu in, thungen in a Pa tawh kiho dingin na mitkha in mu in. Hihmun pen Zeisu in thunget hun alakna mun hi a, Amah'n zong a deih pen hun mah zong ahi hi. Hihhun in ama' thuakna sung khempeuh ah kipkhosak hi. Nikhat hun kipatna dingin Zeisu in hibang kisam ahiehleh, ei e leh kisam semlo ding maw?

Pasion in "Kamai hong zong in" hong ci a, "Topa aw, na Mai ka hong zong ding hi" (*Late 27:8*) ci in dawngthuk ding hihang.

Ama' mai i zon ding 1 Khang. 16:11 in bang gen hiam?

Pasion tawh kimu dingin zingsang simin paina ding mun nanei hiam? Tawlet gei a tokhom khatpeuh, a pualam gamdaihna munkhat, aihke'h anbuk sung sabuai khat peuh ah Pasion' Thu kisin dingin Zeisu' khe phungah na tut theihna ding mun khatpeuh e. Zeisu' khephung in tutna'ng mun hoihpen ahi hi (*Luke 10:39-42*). Tuabang in ciantan na munkhat peuhah, Pasion tawh nisim in hunzang zel lecin, tualai mun zongsang in nazuan zel ding hi. Thu phamawh khatpeuh a om manin Nikhat peuh pelhkha in Pasion tawh nakimuh theihloh hang, lungkia pah nai ke'n. Tua bangin Pasion tawh hunzang khawmlo in, ni tampi kha tampi beisak ke'n. Pasion tawh nisim kikhawlhna pen, nisim in khantat phatzel hi a, deihteelna ahi hi.

Abeisa kaal sungin thungetna le Lai Siangtho simna in hun bangzah nazang khin hiam? Na kikheel dingin bangteng nangma lungdeih teelna hiding hiam?

Lai Siangtho Thuthuk Sinna

Lai Siangtho hilhcian siam a omloh hang, koibang in Lai Siangtho thuthuk kisin thei ding nahi hiam?

Thungen in: Lai Siangtho kisinna ah thungetna tawh kipan in thungetna tawh tawpna pen a thupitna genzawhloh hi. Ellen G. White in, Lai Siangtho simding ciangin eibek kihilo hi. Kha Siangtho lam lahna ngen leng, hong nawngkai sakthei khempeuh nialna hi a; galpa taaikhia cihi. “Lai Siangtho peuhmah thungetna lotawh simding hilo hi. Tua a thu pitna teng pen Kha Siangtho bekin hong theitel sak thei a, a telhak thumaan telzawhna dingin hanciamna pan hong dalzolo hi”—*The Great Controversy*, pp. 599, 600.

Sim in Gelh: Lai Siangtho sim maimaina le hoih takin sinna pen kibang theilo-a, *gelh* ngiatna in kilamdang sak hi. Gelhna in ngaihsut na hong khiapsak in, Pasion kammal hong phawksak, zon phatna, letkhiat na, zatkhiatna le kamciam piaknate hong piangsak hi. Tua-in i lungsim ah ngaihsutna tuamtuamte pen, i khuak sungpan in laikung ah le i lungtang ah, tua panin, tua ni sun niloh genthei dingin hong ciamteh sak hi. A thupi ciapteh dingteng zong gelhsuksak hi (*Late 119:15, 16*). Na gelh siam kei zong in, a gingkhia in simin ngai inla, Pasion tungah thungetna kawm in.

Hawmsawn in: Na theihkhak peuhpeuh mikhat gensawn in. Na ngaihsutna hong kipsak in, midang zong thahatsak ding hi.

Lai Siangtho bu a tompen khat Jonah, Mark, 1 John, Phillippi cih te khatpeuh tengkhia inla nasep kipan in. Taangkhat tung nahih ding dan, a khawk in le alian buppi in (tangkhath khit tangkhath hihdan):

1. **Na simsuk kawmin Kha Siangtho in na lungsim hong makaih in na lungtang a nipsakna ding thungen in.**
2. **Lai Siangtho taang khat / khawkkhat tengkhia in.**
3. **Na tenkhiat pen na simphat dingin laidal tungkhat ah gelh in.**
4. **Thungetna tawh tua mun simkikin adeihna bulpi zongkhia in.**
5. **Adeihna bulpi in nang bang hong hilh cih gelhsuk leuleu in.**
6. **Hih deihna bulpi in nang leh Pasion kikhawlhna koibang in huzaap cih thungetna tawh zong in.**
7. **Tuni kua hawmsawn thei ding cih ngaihsun in.**

“Pasion’ mite in hehpihna sungah a khantoh laisiah, Ama’ Thu a kitelcian zaw in tellai ding uhhi. Tua thumaan sungah khuamuhna thak nei ding uhhi. Khang tawntung in pawlpi’ tangthu sungah zong tuamah bang hi a, a tawp dongin paisuak lai ding hi ”—Ellen G. White, *Counsels to Writers and Editors*, pp. 38, 39.

A tunga thupiak omte in, nangma adingin koi bang dan in thu maan hithei a hiam? Late 119:105 simlai in.

Thupha Azah Nih

Lai Siangtho simzia nam tampi om a, atung a bangin tangkhat khit tangkhat, chapter khat simna, thulu khat tawh simna, kammal khat sinna leh a bubup sinna cihbang in om hi. Lai Siangtho zon-olna (*concordance*) le Lai Siangtho dictionary tawh kisinthei hang a, Khang tawntung Kitukalhna tangthu (*conflict of the ages*) tawh zong simbeh thei lai hi. Khua pualam singlak ah pai in, mi' Lai Siangtho sim zong kingai thei a, lawmlegual khat le nih tawh kihonsim theilai hi.

Tuabang danin lawmlehguual tawh thuthak bawlin kikhawlhna kikemcing thei a, Lai Siangtho simdan tuamtuam te tung tawn in Pasion hong thupiak sate thaksuah kikkik thei ding hihang. Kisin ding tampi omlai hi.

Na Lai Siangtho simhun a nungta sakden ding khatpen, na muhsa khat peuhpeuh midang hawmsawn zel in. Eima kisinsa khat hilhciankik ciangin, tomgenna, gawmkhawp kikapna hangin eima' ngaihsutna zong hong kipsak thei hi. Hih in eima theihna hong kep cing sak hi. Thupha a zahnih cihpen midangte tawh kikum in hawp sawnna pan hi a, kha lam kiholimna in a langnih mahin tha hong hatsak ding hi.

Midangte tungah hawmsawn in hilhcianna panin eima' lungsim sungah hilhcianna thukpen kingah thei hi. Nisim in na kisinden thute pen nang a dingbek hilo, midang a dingin zong Pasion' thupuak ahihlam natheita ding hi.

Simin, Isaiah 50:4. Pasion tawh kikhawlhna in midangte tawh na kikhawlhna zong huzaap thei cih hihmun in koibangin hong gen hiam?

Eima' mimal Lai Siangtho simna in eimah mah tha hongpiak banah, tuani in kimuh pih khat peuh zong thapia theilai hi. Thupha a zahnih hong piangsak hi.

I khalam nunna limlim in khawllo tainna ahi hi. Tai kidemna ah hong kemcing ding Topa tung thungen inla, mungkup kung mitsuan gige in (*Phil. 3:14*). Tawlkhat sung peuh thadahin na vakvai hangin lungkia pah ke'nla, na kikhawlhna uh kepcin na'ng kikheel theih teng, a diak in Lai Siangtho simhun leh thunget hun, kheel lel in. Eite in tuni in Pasion i theihloh tawntung nunna hipah hi (*John 17: 3*). Amah leh Ama' Thu sungah nisim ki-aapna in nundan kikheelna ahi hi.

Tu kaal kamngah siminla a khiatna ngaihsun in. Tu laitak bang sim nahiam? Kua hawmsan thei ding nahiam?

Khum Mahmah!

Nang duhpen bang a khum hiam. Cidamna tawh a kituak beek hiam? A khum na'ngin khuaizu peuh nazang hiam? Cidamna na'ng ahoih *Manuka* khuaizu peuh zong na zangkha ding hi. Khuaizubu khawng nanekngei khakleh, khum dekdak in leii tungteng ah tuisuak pah cih natheihsa hiding hi.

Late 119:103, 104 sungah, Lai Siangtho in amah mah khuaizubu tawh kigenteh ngeu hi: “Nangma’ Thute khum mahmah a, khuaizu sangin khumzaw hi. Na thuhilhna te hangin thu theih telna kangah hi” cih.

“Na thuhilhna te tungtawn in thu theih telna kangah hi” cihpen bang acihna hiam? (*Late 119:104*). Lai Siangtho simna ah hihthu banghang in thupi hiam?

Himah, Pasion’ kammal in kha a dingin leitung in hong piaktheih te sangin khum zaw hi. A khum dangte bang hilo in, Pasion’ Thu in kha cidamna leh nundan tatdan kikheelna ahi hi. Pasion tawh naki gamlaat ciangin, khukdin in, Lai Siangthobu hong inla, dang a cimsakthei tua tui nungta dawn in.

Isaiah 55:1–13 sungah, kamsangpa in a tunga thute zaisak hi. Chapter bup in sim inla a nuaia dotna teng dawng in:

- Ama’ Thu a “ne” dingin hongpaite; Topa in bang pia hiam?
 - Hihteng ah bang hihding in hong sam hiam?
 - Ama’ hong tona bang hiam?
 - Ama’ kamciam bang hiam?
-

A nungta a vanglian Pasion’ Thu in lungtangte, lungsimte le kha te bunsuk in Khazih sungah hong khangto sak hi. Tuabang ahiah theih nadingin, eimah mah in hun la in hahkat kuhkal takin Thu sung sawk in, kiniamkhiatna, thuhilhna khempeuh zuihnopna leh ki-aapna tawh zon tentan zong kul kism hi.

“A kimuhthei hunlai in Topa zong” ding koibang dan hiding hiam (*Isa. 55:6*)?

Ngaihsutbeh Ding: Lai Siangtho simna a deihna bulpi in Pasion thei in Amah tawh kikhawlhna sungah khangto ding; tua in tawntung nun na hi-a, eite'n i itpa omkhawm thei ding hi (*John 5:39; John 17:3*).

Kikhawlhna cih peuhmah langnih om hi. Mang. 3:20 sungah, Zeisu in tua kikhawlhna zongin hong pai a, ei piansak mite in Piang sakpa' thu kisin kul cih thei ding hihang. Suangmanpha a to suangtote bangin eite'n zong Lai Siangtho zongden ding hihang. Lai Siangtho thu le tangthute tamveipi simkhin ihih hang a sangh kaihhop ding om veve hi. "Mihing' pilna bangzah in khangto hitaleh, a lianzaw khuavak zong in Lai Siangtho sim kulnawn kei ci-in ngaihsun kei uh hen. Mihing i hihna tawh, eite in gen kholnate a kisin sangnaupangte ihi uhhi"—Ellen G. White, *Counsels to Writers and Editors*, p. 41.

Lai Siangtho khawng ei' ngaihdaan tawh kituakin puah mawk mawk loding hihang. "Lai Siangtho koi bangin zong ding hiam? Upna thukhun khatkhitkhat bawltawm in, Lai Siangtho zong eima' ngaih dan tawh kituaksak pong ding i hiam? Ei' ngaih-dan muhdan tawh Lai Siangtho en in, Lai Siangtho thumaan khawng ei' tehna tawh sit tel mawkmawk ding ihiam? Lai Siangtho asim ahilh mi tampi takmah in, amau' hilh thute manphatna zong ngaihsun kha ngeilo uhhi. Lai Siangtho kammal khawng amau' ngaihdan tawh a letkhia mawkmawk tam mahmah hi" — *Counsels to Writers and Editors*, p. 36.

Kikupding Dotnate:

- ① Bang lunggulh in Lai Siangtho va zuanzel nahiam? Kikheel ding khatpeuh na nei hiam? Ki niamkhiatna tawh Thu sungah ki aapna banghang in thupi hiam?
- ② Lai Siangtho hong paikhiat theihna dingin, hepkhiat ding a kizam nangma ngaihdan khatpeuh a omkha diam? Tuat a dingin tumahmah in thunget koici kipat ding nahiam?
- ③ Pasion tawh a puatham kikhawlhna ah pianpih ngeina a bei' nading i koi cih diam? Cihnopna in, a thak lunggulhna le puah phat nopna lungsim in angkhuahna tawh a sepleh, mikhat lampial sakthei ding hiam?

Tomkaihna: Mimal Lai Siangtho simna pen Pasion tawh kizopna a kip kho sak bulpi ahi hi. Pasion kammal in a beisa kum zalom sungah a om mah bangin, tu' hun kum zalom 21 nunna sungah a man'nei lampi tawh gen khia hi. Kimai'ngapna kepcing nadingin tua bangin Zeisu sungah i kip mah bangin, i kipiak nunna zong hoih tak kepcing nading zon a kul hi, "Ka kiang ong tungkik loding cih kamciam a siat loh hangin, ka deih thu kicingsak ding ahih manin ka sawl thu ah khangto ding hi" (*Isa. 55:11*).

Bawngte'n Pasalno Sabbath ah Kha

Kenya gam ah Rompas pen pa khat le nu kua a nei Maasai minam sungah apiang ahi hi. Amah in sanggam 82 a nei hi. Amah pen a 62-na hi.

Ama kum 13 ahih lai, gamlak ah a pa' bawngte a cin' laitakin, gamsate in amau' thu tawh gamta uh hi ci-in a mu hi. Amaute lam khat zuanin pai toto uh hi. Ama'n bawngte zui a, United States pan missionary khat in a makaih tualnuai biakpiak kikhopna khat-ah ava tung hi.

Rompas lunglut mahmah hi. Amah sang kah ngeilo ahih manin Lai Siangtho sim theilo hi. Ahih hangin amah in Sunday ciangin radio pan thuhilh nate ngaih nuam sa hi. A zakte a lohngah ding le a innkuante tungah thugen ding nuam a sa hi. Thuhilh a deihna hangin "Pastor" kici minvawhna a ngah hi. Ahih hangin missionary pa in a zak ngei loh thupuak khat a gen hi. Lai Siangtho in Sunday hi loin, Saturday ni pen Pasion' ni siangtho ahi hi, ci-in ama'n a gen hi.

Rompas in lai sim le lai gelh a siam lawmkhat zong dingin paikhia hi. Ama in naupangpa thugen sung pan Lai Siangtho munte gelkhkia dingin sawl hi. Naupangpa in ni sagih Sabbath siangthona thu taang 33 a gelh hi.

Tua nitak ciangin Rompas in bawngte buuk ah ciahpih hi. Ahi zongin amah omlo hi. Tua khith ciangin amah in tai li (kilometer guk) khe tawh pai-in, pastorpa' inn ah va hawh a, tang 33 kigelhna lai va pia hi. "I Lai Siangtho sungah hih munte kihel hiam?" ci-in amah in dong hi. Pastorpa in a Lai Siangtho sungah munte zong a, lau-huai takin, "Dawibiate kikhop na ah na vapai hi," ci-in a gen hi. Rompas lau-na in man hi. Amah ling hi. "Topa aw, kei hong hon in," ci-in a gen hi. Pastorpa in naupangpa a biang ah a Lai Siangtho tawh vei tampi a sat hi. "Zeisu min tawh hih naupangpa aluah daw ka tai hi," a cih. Rompas inn a tun ciangin a hun zekaa mahmah ta hi. A ihmuh khith ciangin mang khat a mu hi. Sabbath ni thu a hilh missionary pa mang sungah a mu kik hi. A thawh ciangin daw lut sak kisa-in a lau a, daw pa a tai hi. Kum thum sung, Rompas in zan simin mang' khat man hi. Ama in missionary in Sabbath ni thu a hilhna mu hi. Kum thum sung, daw a sel den hi.

Tua ciangin amah a ngaihsun a, "Hih pen Topa' kiang pan thupuak hi kha ding hiam? Sia' gen pen thuman hi takpi hiam cih ka kancian ding hi," a ci hi. Tua tawh kizui-in, "Pastor" kici-a minvawh naupangpa in Adventist pastor khat hih nadingin kalsuan patna nei hi. Tu-in amah in thutak thei ta a, Kenya gam ah midangte a hilh laitak ahi hi.



Sabbath 13na Sumpi, khenkhat pen Kenya gam le East-Central Africa Division sunga mun tuamtuahte ah project-te panpih dingin kizang ding hi. Mailam kal ciangin Rompas thu tamzaw na simin, le bit.ly/Rompas-IS ah ama YouTube video na en in.

HILHCIANNA

Khen I: A Huamin Etna

Thubulphuh: *Isaiah 55:11, Late 119:105*

Lungngaih Ding: *Late 119.*

Late gelhpa in a thungetna ah Pasion' thu pen a lampi a taangsak mei vak tawh na genteh hi (*Late 119:105*). Alian 119 pen Topa' thukham zui-in Ama' tecipannate a kem khat tungah thupha pia hi cih tawh hong pan hi (*Late 119:1-3*). Alian 119 pen lampial vakvai khat in Pasion kiang huh na ngetna tawh khup hi.

Tu kaal ah Pasion thu a thuk theih nuam laphuakpa tawh tonkhawm ding hi hang. Nung kaal-a Lai Siangtho kan ding thupiitna kikupsa a zom suak hi hang. Khuamial sungah meivak tawh lampai cih pen dantak le kidawm in pai cihna hi. I mai-ah bang tuak ding hiam cih theilopi-a lung kham-a pai na zong suak hi.

Thu hoih pen-in a kalkhiat theih nadingin thu pomsate neilo-in kan huai hi. Lungsim kihong sa-in kan pelmawh in lampai cih thu ah upna tawh kalsuan in Kha makaih nana ah pai kul hi. Lungsim sungah thu pom bangmah omlo-in Lai Siangtho kisim le Pasion' hopihna kiza thei ding hi. Tua dan in hileh Lai Siangtho pen a khatna nei, amuh nop, thu hong muam, a sim nop, tatzia ding honghill hi ci-in mu ding hi hang.

Khen II: Hilhciaanna

Thupatna: Anuai-ah Lai Siangtho kan danthu guk kigen hi. Amasa lam 1-3 pen Lai Siangtho matna mun a simte tawh kisai hi. Atawpna lam 4-6 pen lai simte thu muhdan tawh kisai hi.

Khen 1: Lai Siangtho mun en ding

Lai Siangtho' gen pen a khatna nei hi ci-in mu ding. Late 119 sung ah laphuakpa in Pasion' thu mun nih bek ah lungngai hi kici thei hi (*Late 119:15, 18*). "Sun niloh in" (*Late 119:97*) le "zan hun sung" (*Late 119:148*) hi-in laphuakpa in Lai Siangtho sim pen nuamsa ahiah manin lungngai den cihna hi (*Late 119:44, 47*). Pasion' thu kan nop na pen laphuakpa' tha ngahna hi (*Late 119:97, 113, 127*). Pasion' thu siangtho pen sim kikkik nop ding zawl lai tawh kibang in laphuakpa thu thukkan sak hi.

Laphuakpa in tu lai-a lai siamte cihdan-a lai ciantak a kan cih a zangh ahi hi. Hih lai kandan ah kammal khat ah thu tampi om ding hi ci-a la-in a malmal-a etciaanna kihel hi. Hih dan lai kan nam ah lai sim khat in Lai Siangtho mun pen sim kik kik hi. Tua dan-a simna pen laphuak pen teci

pan dan bangun a khatna hong nei tektek-in tha kingah den hi (*Late 119:11, 111*). Hih bang kalsuanzia in hauhna tam semsem muh ding om den ding kician sak hi.

Lai Siangtho mun pen zaknop. Lai Siangtho pen a khatna a neih ma-in, a laimalte zaknop khin pek hi. Lungsim in a khatna a theih khit ma pekin gennopte pen kipakta khol khinsa hi. Laigelh dan in lai gelhpa in bang ci nuam hiam cih laisimpa' lungsim a zawi ding khun'sak hi. Kammalte' kop le gualh dante in laisim khat thu tel tuam sak hi.

Amuh nop sak thute. Late 119 pen alphaber zui-a kiphuak khat hi (*acrostic*). Hih 119 sungah la taang 22 pha in Hebrew laimal 22 lim la hi. A taang sim ah aneu (*verse*) giatta pha in avek in aneu 176 pha hi. Hih dan in kiphuahna pen la dangte ah a kigen Pasion' thu cingtaak zia hong gen'na hi.

NUN kicihna taang ah (*Late 119:105-112*) aneu (*verse*) khempeuh in Pasion' thukham pen a tuamtuam in na pulaak hi: “Na thu” (*Late 119:105, 107*), “Na thukhenna” (*Late 119:108*), “Na thukhennate” (*Late 110:109*), “Na thukhunte” (*Late 119:110*), “Na tecite” (*Late 119:111*), “Na ngeina kipte” (*Late 119:112*) na ci hi. Hih laigelh zia in Pasion' thukham in a thu huam na teng khempeuh hong kawak in a kicing lam hong lak hi.

Lai Siangtho mun (text) pen Lai Siangtho vai hi. Hih tak ah *NUN* pen laigelh dan lam bek tawh en ding hi hang (*Late 119:105-112*). *NUN* la taang mai-ah *MEM* om in (*Late 119:97-104*), *NUN* nung ah *SAMEK* in zui hi (*Late 119:113-120*). *MEM*' gen nop pen Pasion' hilh lampi maan, thukham pahtaakna thu hi (*Late 119:102*, tua pen lamkhial muhdahna tawh na saikaak hi (*Late 119:101, 104*). Tua thu mah *SAMEK* ah dawak kik in *MEM* sung a thukawng tawh zom kik hi (*Late 119:113, 119*). Tua hi-a *NUN* pen tua thu dung zui-in etkul hi.

NUN sung-a thu lung ngaihna ah Late 119 sunga a toi-in kigen sangin a zai zaw Lai Siangtho gen dan zong ngaihsut ding kihel hi. Tua dan pen Ellen G White' deih Lai Siangtho thu kandan hi-in “Lai Siangtho pen amah le amah kihilhcian hi. Lai Siangtho le Lai Siangtho mah saikaak huai hi. Lai Siangtho kan mi khat pen Lai Siangtho pen a bup-a la' ding hi-in a kizop dan uh zon kul hi” ci hi—*Counsels to Parents, Teachers and Students*, p. 462. “Lai Siangtho in Lai Siangtho mah telsak hi, Lai Siangtho munkhat pen mundang khat a telsak tawhtang hi”—*Evangelism*, p. 581.

Khen 2: Lai Simte' Muhdan

Lai Siangtho mun pen Huu kimuam hi ci-a mu. Lai Siangtho pen lai dangte tawh kibanglo hi. Ahang pen Kha Siangtho pen “Pasian huu” hi-in huu muam hi. Tua hi-in Lai Siangtho i kancang in kha tawh lam naih kul hi (*1 Cor. 2:13, 14*). Lai Siangtho a kan eite'n ei'-ut thu in talo-in tung lampan in hong makaih hiam cih kisit in thungen in Lai Siangtho kan huai hi.

Ei pen kamsang kihilo ahih manin mang tawh a khiatnate hong kihilh dingin lamet huai lo hi. Tua ii lang ah Lai Siangtho huu muap Pa ahi Pasian kiang ah thu tel theih nadingin thu a ngen dingin hong kisawl hi. Pasian in zong Lai Siangtho i kan'na ah a khial nate a thei thei dingin Ama' kha hong sawl ding hi. Hih tak ah zong Pasian in ei' lamet loh, ei deih loh lam tawh hong dawng thei ding hi (*Jeremiah 28 sung a kamsang zuau Hananiah tung ah Jeremiah dawn' dan en in*).

Lai Siangtho kan'na ah Pasian kha tawh i kop ding thu ah pawlpi pih te kiang ah thu dot ding zong khat in kihel hi. Lai Siangtho kan khopna in kiniamkhiatna hong sek hi, muh dan pulaak tekna in Pasian kha' “utna peuh ah” (*John 3:8*) hong makaih ding-a i muhna zai sak ding hi.

Lai Siangtho mun pen lunglut huai. Lai Siangtho na kan ciangin nang le nang kiguang in. Nang hng tang hopih dan in kingaihsun in (*tua ci mah hi*).

Tua ban ah Pasian' kammal in na nasep; na haksatna; na innkuan pih; na lawm; na naseppihte tawh natat ziate ah bang ci lawn' hiam cih kien in. Pasian' thukham zuih sawm in (*Late 119:106*). Pasian in Ama thuhilh na tel nadingin hong huh dingin thungen in (*Late 119:108*). Pasian' thukham zui-in (*Late 119:109, 110*). Pasian' thukham na zuih ciangin nuamsa in. Zui ding hi ci-a a zui hilo-in zuih nopna lungsim tawh zui-in (*Late 119:111*). Thukham na zuih sim-in na lungsim khempeuh Pasian kiang ap in (*Late 119:112*).

Lai Siangtho mun in thuhilh. Pasian' kammal ah thu teeng hi. Cihnopna ah i iplah, i khen' lahte a nusia dingin hong sawl ding-a kilehtat thei hi. Tua hi-a tua thumaante pen midangte tawh kikhohlna ah kidawm, ciim, itna tawh tat kul ngiat hi.

Adah huai thu bel Lai Siangtho' gen pen mi a honkhia, a lamsang lam ah kizangh lo in a zawngkhal, a vat tuk ding peuh in kizatna thu hi. Lai Siangtho paulap-in mawhna tampi kibawl hi. Tua pen dah huai hi. Tua bangte tam semsem lai ding kici hi (*Mang. 13, 14 te en in*). Tua hi-a a zak nop Hotkhiatna thu, hehnem thu ahihding kimlai mite a mawhsak, a tuuk

sak, khasia sak dingin kizangh mawk hi.

Tua hi-a Lai Siangtho i kanciang in a kiniamkhat, thu kihilh thei lung sim neih kul hi; tua hi keileh nuntakna apia Pasion kammal sihna a piang sak kammalte hongleh suah ding hi. Late 110 ii *NUN* la taang i sim ciang in lu' heek zia a omlam zong phawk huai hi. Meivak ahi Pasion kammal pen (*Late 119:105*) midang tawh na kikholh dan, kiho dan hong kidawm sak, kheelsak huai hi, "thumaan" cih kammal in lu'heek zia hong gen hi. Tua hi-in Late 119 pen i lu'heekna bek ah hilo-in Lai Siangtho i simna mahmah ah zong kidawm ding, vaipuak a la dingin hong thuum hi cih kimu thei hi.

Khen III: Nuntakna-ah Zatpah Ding

Siate ading: Anuai-a thute pen Lai Siangtho sim ciangin a kan siam le nuam kisak theih nading-in kibawl hi. Gamtat ding 3-5 te pen khan pua lam ah kihih thei hi. Mai Sabbath ciang'n a thu kante uh a gen kik dingin khat hiam, nih hiam cih bangin kan ding pia in.

Gamtat ding 1 (Khan sung ah): Late 119 sung pan' la taang khat peuhpeuh teel in.

1. Late 119 sung pan' na teel la taang pen Lai Siangtho kan dan thu gukte zangh in (ikup khitsa *NUN*, Late 119:105-112 kihel nawnlo)
2. Khan sung-a mite khen in. Amau teel tek la taang Lai Siangtho kan dan gukte tawh bulh in.
3. Minute 10 kihhteh pawl khat ciat in amuh khiat uh gen sak in.

Gamtat ding 2 (Khan sung ah): Lai Siangtho kan ding kihan suahna:

1. Lai Siangtho thu kan ding a thupitna, kimanna, haksatnate kikum in.
2. Bang hangin Lai Siangtho kan huai i hiam? Lai Siangtho kan ding a kiasm mah hiam?
3. Lai Siangtho kan ding a dal kampaute gen in.
4. Lai Siangtho kan ding tha apia Lai Siangtho munte en in.
5. Lai Siangtho kan dan ding a hilh Thuciam Lui sung (*wisdom texts*) le Thuciam Thak sung (*Zeisu' kan dan*) te ah zong in.

Gamtat ding 3: Kibulhna:

1. Lai Siangtho' gente Sabbath saang' lo ah koici bulh ding hiam cih dong in.

